



«ԻՆՏԵՐԱԿՏԻՎ ԿՐԹՈՒԹՅԱՆ
ԶԱՐԳԱՑՈՒՄ» ՀԻՄՆԱԴՐԱՄ



**ՀԵՐԹԱԿԱՆ ԱՏԵՍԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ 2023**

ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ

Շարային պատրաստության ուսուցման
առանձնահատկությունները

ԱՌԱՐԿԱ

ՆԶՊ

ՀԵՂԻՆԱԿ

Վոլոդյա Կարապետյան

ՄԱՐԶ

Երևան

ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ

Վ. Համբարձումյանի անվ. թիվ 17 հիմնական
դպրոց

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....	1
1.1 ՇԱՐՔԻ ՏԵՍԱԿՆԵՐԸ, ՆՐԱ ԲԱՂԿԱՑՈՒՑԻՉ ՄԱՍԵՐԸ	2
1.2 ԾԱՎԱԼՈՒՆ ԵՎ ԵՐԹԱՅԻՆ ՇԱՐՔ: ՏՈՂԱՆ ԵՎ ՇԱՐԱՍՈՒՅՆ.....	2
1.3 ՇԱՐՔԻ ԿԱՌԱՎԱՐՈՒՄԸ	3
1.4 ՇԱՐԱՅԻՆ ԿԵՑՎԱԾՔ.....	4
2 ԶԻՆԾԱՌԱՅՈՂՆԵՐԻ ՊԱՐՏԱԿԱՆՈՒԹՅՈՒՆՆԵՐԸ ՇԱՐԺՎԵԼՈՒՑ ԱՌԱՋ ԵՎ ՇԱՐՔՈՒՄ	5
3 ՇԱՐԱՅԻՆ ՎԱՐԺԱԶԵՎԵՐ, ԴԱՐՁՈՒՄՆԵՐ ՏԵՂՈՒՄ ԵՎ ՇԱՐԺՄԱՆ ԺԱՄԱՆԱԿ	6
3.1 ԴԱՐՁՈՒՄՆԵՐ ՏԵՂՈՒՄ	6
3.2 ՇԱՐԱՅԻՆ ԴԱՐՁՈՒՆԵՐ ԱՌԱՆՑ ԶԵՆՔԻ: ՇԱՐԱՅԻՆ ՔԱՅԼ.....	7
4 ՇԱՐԱՅԻՆ ՎԱՐԺԱԶԵՎԵՐՆ ՈՒ ՇԱՐԺՈՒՄՆ ԱՌԱՆՑ ԶԵՆՔԻ	10
4.1 ԴԱՐՁՈՒՄՆԵՐ ՇԱՐԺՄԱՆ ԺԱՄԱՆԱԿ.....	10
4.2 ՇԱՐՔԻՑ ԴՈՒՐՄ ԳԱԼԸ ԵՎ ՇԱՐՔ ՎԵՐԱԴԱՌՆԱԼԸ	11
4.3 ԶԻՆՎՈՐԱԿԱՆ ՈՂՁՈՒՅՆԻ ԿԱՏԱՐՈՒՄՆ ԱՌԱՆՑ ԶԵՆՔԻ.....	12
4.4 ԶԻՆՎՈՐԱԿԱՆ ՈՂՁՈՒՅՆԻ ԿԱՏԱՐՈՒՄԸ ՇԱՐԺՄԱՆ ԸՆԹԱՅՔՈՒՄ	13
5 ԶՈԿԻ ՇԱՐՔԵՐԸ	13
5.1 ԶՈԿԻ ԾԱՎԱԼՈՒՆ ԵՎ ԵՐԹԱՅԻՆ ՇԱՐՔԵՐԸ	13
5.2 ԶՈԿԻ ՇԱՐՔԻ ՆՈՍՐԱՑՈՒՄԸ ԵՎ ԽՏԱՑՈՒՄԸ	14
5.3 ԶՈԿԻ ՎԵՐԱԴԱՍՍԱՎՈՐՈՒՄԸ	15
ԵԶՐԱԿԱՑՈՒԹՅՈՒՆ.....	18
<i>ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ</i> '.....	<i>18</i>

ՆԵՐԱԾՈՒԹՅՈՒՆ

Շարք: Այս բառի էությունն առանձնակի կապ ունի զինված ուժերի հետ:

Դեռևս հին ժամանակներում քաղաքակրթությունների բանալներում գործել է շարք, շարքեր, ֆաղանգներ (սպարտայի ստրկատիրական, մակեդոնական, բյուզանդական) և այլն:

Շարքը զինվորական կարգապահության ամրագոտին է, շարային պատրաստությունը բոլոր հաջողությունների, հաղթանակների գրավականը:

Ավարառու հորդանների բանակները թեև եղել են «տմա-տմուշայա», սակայն շարային որևէ կարգի չեն ենթարկվել:

Դարերի ընթացքում շարային կանոնադրություններն ընդօրինակել են մեկը մյուսից, կատարվել լրացումներ և փոփոխություններ: Ժամանակի ընթացքում ներքին գործող «Շարային կանոնադրությունը» նույնպես կենթարկվի փոփոխությունների և լրացումների՝ կախված ԶՈՒ արմատական փոփոխությունների հետ, սակայն շարք, շարքի տեսակները, տարրերը, բաղկացուցիչ մասերը կմնան որպես հիմք:

Զինվորականների մարտական պատրաստության, ուսուցման ու դաստիարակության կարևորագույն առարկաներից մեկը շարային պատրաստությունն է: Այն կազմակերպվում և անցկացվում է ՀՀ ԶՈՒ շարային կանոնադրության նորմերին խիստ համապատասխան:

Խաղաղ ժամանակ՝ զորահանդեսներին, պատվո պահակախմբերում և կանոնադրությամբ նախատեսված այլ դեպքերում սովորողներին պարտավորեցնում է իմանալ՝

- դպրոցական ծրագրով շարային պատրաստություն,
- շարքի տեսակները, նրա բաղկացուցիչ մասերը,
- շարային վարժաձևերն առանց զենքի և զենքոց,
- շարքից դուրս գալը և շարք վերադառնալը,
- զինվորական ողջույնի կատարման եղանակները,
- հրամաններ տալու և կատարելու կարգը,

- զինձառայողների պարտականությունները շարվելուց առաջ և շարքում:

1.1 ՇԱՐՔԻ ՏԵՍԱԿՆԵՐԸ, ՆՐԱ ԲԱՂԿԱՑՈՒՑԻՉ ՄԱՍԵՐԸ

Զինձառայողների, ստորաբաժանումների ու գորամասերի՝ շարային կանոնադրությամբ սահմանված դասավորությունը համատեղ գործողությունների համար՝ հետիոտն և մեքենայով, կոչվում է **շարք**:

Յուրաքանչյուր շարք ունի հետևյալ բաղկացուցիչ մասերը՝ **ճակատ**, թիկունք, թևեր, տարածություն, հեռավորություն, լայնություն և խորություն:

Շարքում գտնվող զինձառայողների դիմային կողմը կոչվում է **ճակատ**:

Շարքի ճակատի հակադիր կողմը կոչվում է **թիկունք**:

Շարքի աջ վերջավորությունը կոչվում է **աջ թև**, ձախ վերջավորությունը՝ **ձախ թև**:

Շարքի դարձումների (աջ դարձ, ձախ դարձ, հետ դարձ) ժամանակ թևերի անվանումները չեն փոխվում:

Շարքի ճակատում զինձառայողների արմունկների միջև եղած տարածքը (մեկ բռունցք) կոչվում է **տարածություն**:

Զինձառայողների, ստորաբաժանումների միջև դեպի խորքն ընկած արանքը կոչվում է **հեռավորություն**:

Շարքի թևերի միջև ընկած հեռավորությունը կոչվում է **շարքի լայնություն**:

Առաջին և վերջին տողաններում կանգնած զինձառայողների միջև եղած հեռավորությունը կոչվում է **շարքի խորություն**:

1.2 ԾԱՎԱԼՈՒՆ ԵՎ ԵՐԹԱՅԻՆ ՇԱՐՔ: ՏՈՂԱՆ ԵՎ ՇԱՐԱՍՈՒՅՆ

Շարքերն ըստ նշանակության լինում են **ծավալուն** և **երթային**:

Ծավալուն շարքը, որպես կանոն, շարվում է մեկ կամ երկու տողանով:

Մեկ գծի վրա, սահմանված տարածությամբ կողք կողքի շարված զինծառայողների շարքը կոչվում է **տողան**:

Ծավալուն շարքը կիրառվում է ստուգումների, ստուգատեսների, գորահանդեսների, շարային հաշվարկների ժամանակ և կանոնադրությամբ սահմանված այլ դեպքերում:

Երթային շարքը կիրառվում է ստորաբաժանումների շարժման համար և կազմված է շարասյուններից, կապված միջոցառման նպատակներից, տեղից, խնդիրներից:

Միմյանց թիկունքում շարժված զինծառայողների և իրար հետև կանգնած ստորաբաժանումների շարքը կոչվում է շարասույն:

Երթային շարքերը լինում են **միաշարասյուն, երկարասյուն** և այլն:

Երկտողան շարքում առաջին տողանի զինծառայողը և նրա թիկունքում կանգնած զինծառայողը կազմում են **կարգ**: Վերջին կարգը միշտ պետք է լինի լրիվ, ուստի երկտողան շարքի հետադարձի ժամանակ ոչ լրիվ կարգի զինծառայողն անցնում է առաջին տողան:

Միատողան (երկտողան, եռատողան) շարքերը կարող են լինել **խիտ կամ նոսր**:

Խիտ շարքում զինծառայողները տեղավորվում են կողք-կողքի՝ մեկը մյուսի արմունկից ձեռքի ափի լայնությամբ, իսկ նոսր շարքում ճակատով կանգնած զինծառայողների արմունկների միջև տարածությունը պետք է լինի մեկ քայլ կամ հրամանատարի նշած չափով (երկու, երեք քայլ և այլն):

Երթային շարքով շարժվելիս շարքի առջևից գնացող զինծառայողը (մեքենան, ստորաբաժանումը) կոչվում է **ուղղապահ**, իսկ շարասյունը եզրափակող զինծառայողը (մեքենան, ստորաբաժանումը) կոչվում է **վերջապահ**:

1.3 ՇԱՐՔԻ ԿԱՌԱՎԱՐՈՒՄԸ

Շարքերը կառավարվում են հրամանատարների (պետերի) հրամաններով ու կարգադրություններով: Հրամանները լինում են **նախնական** և **կատարողական**:

Օրինակ՝ «Դասակ, քայլով-ՄԱՐՇ» հրամանում «Դասակ, քայլով»-ը նախնական հրամանն է, իսկ «ՄԱՐՇ»-ը՝ կատարողական: Հրամանները կարող են լինել նաև միայն կատարողական, այսինքն՝ հրամայական բառեր՝ «ԶԳԱՍՏ», «ՈՏՔԻ»:

Հրամանի կատարողական մասը՝ հրամայական բառերը տեքստերու, հրամաններում, փաստաթղթերում, սովորաբար, գրվում են գլխատառերով:

Նախնական հրամանն արտասանվում է բարձրաձայն, հստակ, փոքր ինչ ձգելով, որպեսզի շարքում գտնվող զինձառայողները հասկանան, թե իրենցից կատարելու համար ինչ գործողություն է պահանջվում: Լսելով նախնական հրամանը՝ զինձառայողներն ընդունում են շարային կեցվածք՝ երբ գտնվում են շարքում, անցնում են շարային քայլի՝ երբ գտնվում են շարժման մեջ: Շարքից դուրս գտնվելիս զինձառայողները (զինձառայողը) շրջվում են հրամանատարի (պետի) կողմը և ընդունում են շարային կեցվածք՝ պատրաստ լինելով կատարողական հրամանից հետո անմիջապես կատարել պահանջված գործողությունը:

Կատարողական հրամանը տրվում է մի փոքր դադարից հետո, բարձրաձայն, հատ-հատ և հստակ:

Երբեմն անհրաժեշտ է լինում չեղյալ հայտարարել հրամանը կամ դադարեցնել սկսած գործողությունը: Այս դեպքում տրվում է «ԹՈՂՆՆԵԼ» հրամանը, որով զինձառայողներն ընդունում են իրենց նախնական դիրքը:

Ստորաբաժանումները շարելու համար հրամանատարը տալիս է «ՇԱՐՎԻՐ» հրամանը՝ նշելով նաև շարվելու կարգը: Օրինակ՝ «Զոկ, միատողան՝ ՇԱՐՎԻՐ»:

Կամ՝ Շարային հրապարակում, «Զոկ, միատողան ՇԱՐՎԻՐ»:

1.4 ՇԱՐԱՅԻՆ ԿԵՑՎԱԾՔ

Շարային կեցվածքի ընդունումը զինվորական ծառայության այբուբենն է: Այն ծառայողին ուղեկցում է զինվորական ծառայության գորակոչվելու առաջին օրվանից մինչև զորացրումը: Շարային կեցվածքի ընդունումը զինվորի մեջ

դաստիարակում է կուռ կարգապահություն, ուշադրություն, կատարողականություն, արտաքին հաճելի տես, զսպվածություն և այլն:

Շարային կեցվածք ընդունվում է «ԶԳԱՄՍ» կամ «ՇԱՐՎԻՐ» հրամաններով: Լսելով այդ հրամանները՝ զինծառայողն առանց լարվելու կանգնում է ուղիղ՝ ոտնաթաթերը բացելով ոտնաթաթի լայնությամբ և հավասարեցնելով ճակատային գծի հետ: Ծնկները պետք է լինեն ուղիղ, գլուխը՝ բարձր պահած, կուրծքը և մարմինը՝ մի փոքր առաջ տված: Ձեռքերը պետք է ցած իջեցնել ազդրերի կողքով այնպես, որ դաստակների ափերը՝ կիսախուփ ծավված մատներով, հավեն ազդրերին:

Կանոնադրությամբ սահմանված են շարային կեցվածք ընդունելու նաև այլ դեպքեր՝ Հայաստանի Հանրապետության պետական օրհներգի, զինվորական ողջույնի կատարման ժամանակ, զեկույց տալիս, կարգադրություններ անելիս և այլն:

2 ԶԻՆԾԱՌԱՅՈՂՆԵՐԻ ՊԱՐՏԱԿԱՆՈՒԹՅՈՒՆՆԵՐԸ ՇԱՐԺՎԵԼՈՒՑ ԱՌԱՋ ԵՎ ՇԱՐՔՈՒՄ

Շարք կանգնելուց առաջ և շարքում գորամասերի (ստորաբաժանումների) հրամանատարներն ու բոլոր զինծառայողներն ունեն որոշակի, կանոնագրքերով, շարային կանոնադրությամբ և հրահանգներով ամրագրված իրենց պարտականությունները, որոնց անշեղ կատարումը յուրաքանչյուր զինծառայողի պարտքն է:

Նախքան շարք կանգնելը հրամանատարը նշում է շարվելու տեղը, ժամանակը, կարգը, համազգեստը, հանդերձանքը, տվյալ պահի համար անհրաժեշտ տեխնիկական ու տեխնիկական միջոցները, զինամթերքը, պաշտպանության անհատական միջոցները: Ստորաբաժանումը շարվելուց հետո ստուգում է դրանց առկայությունը, անձնակազմի արտաքին տեսքը, համազգեստի ու հանդերձանքի հարմարեցվածությունը, փոխադրվող միջոցների

ամրակապումը, անձնակազմի իմացությունը ազդանշանների, անվտանգության կանոնների մասին:

Զինձառայողը պարտավոր է՝

- գիտենալ իր տեղը շարքում և հրամանից հետո արագորեն զբաղեցնել այն,
- ստուգել իրեն ամրացված զենքի, ռազմական տեխնիկայի սարքիչությունը, սակրային գործիքների և այլ հանդերձանքի առկայությունն ու վիճակը,
- շարքում չխոսել, առանց հրամանատարի (պետի) թույլտվության դուրս չգալ շարքից ու չծխել,
- շարժման ընթացքում պահպանել կանոնադրությամբ կամ հրամանատարի կողմից սահմանված տարածությունն ու հեռավորությունը, ուշադիր հետևել հրամանատարի հրամաններին ու ազդանշաններին:

3 ՇԱՐՄՅԻՆ ՎԱՐՇԱԶԵՎԵՐ, ԴԱՐՁՈՒՄՆԵՐ ՏԵՂՈՒՄ ԵՎ ՇԱՐՇՄԱՆ ԺԱՄԱՆԱԿ

3.1 ԴԱՐՁՈՒՄՆԵՐ ՏԵՂՈՒՄ

Տեղում դարձումները զինձառայողները կատարում են ինչպես միայնակ, այնպես էլ ստորաբաժանումների կազմում:

Տեղում դարձումները կատարվում են «Ա՛ջ-ԴԱ՛ՐՁ» «Ձա՛խ- ԴԱ՛ՐՁ» և «Հե՛տ-ԴԱ՛ՐՁ» հրամաններով: Աջ դարձ և ձախ դարձ վարժածները կատարվում են **մեկ քառորդ շրջան** դարձումով, իսկ հետադարձը՝ **մեկ երկրորդ շրջան**, ընդ որում, աջդարձը կատարվում է աջ ձեռքի կողմը՝ մարմնի ծանրությունը կենտրոնացնելով աջ կրունկի և ձախ ոտնաթաթի վրա, իսկ ձախդարձն ու հետադարձը՝ ձախ ձեռքի կողմը՝ ձախ կրունկի և աջ ոտնաթաթի վրա:

Բոլոր դարձումները կատարվում են երկու գործողությամբ (երկու հաշվով)(մեկ-երկու).

առաջին գործողություն՝ դարձում կատարել՝ պահպանելով իրանի ուղիղ դիրքը և, ծնկները չծալելով՝ մարմնի ծանրությունը փոխադրել առջևի ոտքի վրա,

երկրորդ գործողություն՝ մյուս ոտքը ամենակարճ ճանապարհով դնել առջևի ոտքի մոտ:

3.2 ՇԱՐՄԱՅԻՆ ԴԱՐՁՈՒՆԵՐ ԱՌԱՆՑ ՁԵՆՔԻ: ՇԱՐՄԱՅԻՆ ՔԱՅԼ

Շարժումը կատարվում է քայլով կամ վազքով:

Կանոնավոր քայլի չափսը 70-80 սմ է, արագությունը՝ 110-120քայլ մեկ րոպեում:

Կանոնավոր վազքի դեպքում քայլի չափսը 85-90 սմ է, շարժման արագությունը՝ 165-180 քայլ մեկ րոպեում:

Քայլը լինում է **շարային** և **երթային**: Շարային և երթային քայլերը միշտ սկսում են ձախ ոտքից:

Շարային քայլը կիրառվում է հանդիսավոր երթով ստորաբաժանումների անցնելու, շարժման ընթացքում զինվորական ողջույնի կատարման ժամանակ, շարքից դուրս գալու և շարք վերադառնալու դեպքերում, հրամանատարին (պետին) մոտենալիս և նրանից հեռանալիս, շարային պարապունքների ընթացքում:

Շարժումը շարային քայլով սկսելու համար տրվում է «Շարային քայլ՝ վ-ՄԱ՛ՐՇ» հրամանը:

«Շարային քայլով» նախնական հրամանը լսելուն պես զինծառայողն իրանը մի փոքր առաջ է տալիս՝ մարմնի ծանրությունն առավելապես զցելով աջ ոտքի վրա և պահպանելով կայուն դիրք: «ՄԱ՛ՐՇ» կատարողական հրամանով ձախ ոտքի լրիվ քայլով սկսում է շարժումը՝ միաժամանակ ձախ ձեռքը տանելով հետ, իսկ աջը շարժելով առաջ:

Շարային քայլով շարժվելիս ձախ (աջ) ոտնաթաթը ձգված վիճակով կտրել գետնից 15-20 սմ բարձրությամբ և ամբողջ ներբանով պինդ դնելով գետնին՝ աջ (ձախ) թաթը միաժամանակ կտրել գետնից: Ձեռքերը, սկսած ուսերից, իրանի մոտով շարժել առաջ և արմունկը ծալել այնպես, որ դաստակը ձեռքի ափի լայնությամբ բարձրանա գոտու ճարմանդից վերև՝ մարմնից ափաչափ հեռավորության վրա: Ձեռքը հետ տանելիս ձգել մինչև վերջ: Ձեռքի մատները պահել կիսախուփ: Շարժման ընթացքում գլուխը և իրանը պահել ուղիղ, նայել առաջ:

Երթային քայլը կիրառվում է բոլոր այն դեպքերու, երբ շարային քայլով շարժվելու հրաման չկա:

Երթային քայլով շարժման ժամանակ ոտնաթաթն առանց ձգելու ազատորեն մեկնել առաջ և գետնին դնել այնպես, ինչպես սովորական քայլի դեպքում: Ձեռքերն ազատորեն շարժել իրանի մոտով հետ ու առաջ:

Երթային քայլով շարժվելիս, եթե տրվում է «ԶԳԱՍՏ» հրամանը, զինձառայողներն անցնում են շարային քայլի, իսկ շարային քայլի ժամանակ «ԱԶԱՍ» հրամանով անցնում են երթային քայլի:

Տեղում քայլելու համար տրվում է «Տեղում քայլով-ՄԱՐՇ» հրամանը, իսկ շարժման ընթացքում տեղում քայլի անցնելու համար տրվում է «ՏԵՂՈՒՄ» հրամանը:

«Տեղում քայլով-ՄԱՐՇ» հրամանով զինձառայողներն սկսում են քայլել տեղում՝ ոտքը բարձրացնելով 15-20 սմ և իջեցնելով այնպես, որ գետնին հավի ոտնաթաթի առջևի մասը: Ձեռքերը շարժում են քայլի տակտով:

Տեղում քայլելու ժամանակ «ՈւՂԻՂ» հրամանը տրվում է զինձառայողի ձախ ոտքը գետնին դնելու պահին, ապա աջ ոտքով կատարվում է ևս մի քայլ տեղում, որից հետո միայն սկսվում է շարժումը առաջ լրիվ քայլով:

Շարժումը դադարեցվում է «Կա՛նգ -Ա՛Ռ» հրամանով:

Ինչպես տեղում դարձումների ժամանակ, այնպես էլ շարժման ընթացքում դարձումներ կատարելու համար տրվում են նույն հրամանները՝ «Ա՛ջ -ԴԱ՛ՐՁ», «Ձա՛խ -ԴԱ՛ՐՁ» և «Հե՛տ -ԴԱ՛ՐՁ»: Նախնական հրամանները՝ «Ա՛ջ», «Ձա՛խ» և

«Հէ՛տ» լսելուն պէս զինձառայողը պատրաստվում է կատարել կատարողական «ԴԱ՛ՐՁ» հրամանը:

Աջ դարձ կատարելու համար «ԴԱ՛ՐՁ» կատարողական հրամանը տրվում է զինձառայողի աջ ոտքը գետնին դնելու հետ միաժամանակ: Այդ հրամանը լսելուն պէս զինձառայողը կատարում է ևս մեկ քայլ ձախ ոտքով, ձախ ոտնաթաթի մատների վրա հենվելով՝ կատարում է մեկ քառորդ պտույտ աջ և շարային քայլով շարժումը շարունակում նոր ուղղությամբ:

Ձախ դարձ կատարելու համար «ԴԱ՛ՐՁ» կատարողական հրամանը տրվում է զինձառայողի ձախ ոտքը գետնին դնելու հետ միաժամանակ: Այդ հրամանը լսելուն պէս զինձառայողը կատարում է ևս մեկ քայլ աջ ոտքով, աջ ոտնաթաթի մատների վրա հենվելով՝ դառնում է մեկ քառորդ պտույտ ձախ և շարային քայլով շարժումը շարունակում նոր ուղղությամբ:

Հետ դարձ կատարելու համար «ԴԱ՛ՐՁ» կատարողական հրամանը տրվում է զինձառայողի աջ ոտքը գետնին դնելու հետ միաժամանակ: Այդ հրամանը լսելուն պէս զինձառայողը կատարում է կես քայլ՝ ոտքը դնելով փոքր-ինչ ձախ: Ապա հենվում է երկու ոտնաթաթերի մատների վրա, մեկ երկրորդ պտույտ կտրուկ շրջադարձ է կատարում և ձախ ոտքով շարային քայլով շարժումը շարունակում նոր ուղղությամբ:

«ԴԱ՛ՐՁ» կատարողական հրամանից հետո աջդարձը և ձախդարձը կատարվում են երկու հաշվով, իսկ հետդարձը՝ երեք հաշվով:

Դարձումների ժամանակ ձեռքերի շարժումները կատարվում են համաչափ:

Հետադարձի ժամանակ հատուկ ուշադրություն է դարձնում կտրուկ շրջադարձի և ձեռքերի շարժումների վրա: «Երկու» հաշվի դեպքում, երբ աջ ոտքը տարվի կես քայլ առաջ և մի փոքր ձախ, այդ պահին պետք է ձախ ձեռքը տանել առաջ, իսկ աջը՝ հետ: Հենց որ աջ ոտքը հենվի ոտնաթաթի մատների վրա, շարունակելով ձեռքերի համաչափ շարժումը, կատարել կտրուկ շրջադարձ: «Երեք» հաշվի ժամանակ աջ ձեռքը շաժել առաջ, իսկ ձախը՝ հետ:

4 ՇԱՐՄԱՅԻՆ ՎԱՐԺԱԶԵՎԵՐՆ ՈՒ ՇԱՐԺՈՒՄՆ ԱՌԱՆՑ ԶԵՆՔԻ

4.1 ԴԱՐՁՈՒՄՆԵՐ ՇԱՐԺՄԱՆ ԺԱՄԱՆԱԿ

Ինչպես տեղում դարձումների ժամանակ, այնպես էլ շարժման ընթացքում դարձումներ կատարելու համար տրվում են նույն հրամանները՝ «Ա՛ջ -ԴԱ՛ՐՁ», «Ձա՛խ -ԴԱ՛ՐՁ» և «Հե՛տ -ԴԱ՛ՐՁ»:

Աջ դարձ կատարելու համար «ԴԱ՛ՐՁ» կատարողական հրամանը տրվում է զինձառայողի աջ ոտքը գետնին դնելու հետ միաժամանակ: Այդ հրամանը լսելուն պես զինձառայողը կատարում է ևս մեկ քայլ ձախ ոտքով, ձախ ոտնաթաթի մատների վրա հենվելով կատարում է մեկ քառորդ պտույտ աջ և շարային քայլով շարժումը շարունակում նոր ուղղությամբ:

Ձախ դարձ կատարելու համար «ԴԱ՛ՐՁ» կատարողական հրամանը տրվում է զինձառայողի ձախ ոտքը գետնին դնելու հետ միաժամանակ: Այդ հրամանը լսելուն պես զինձառայողը կատարում է ևս մեկ քայլ աջ ոտքով, աջ ոտնաթաթի մատների վրա հենվելով՝ դառնում է մեկ քառորդ պտույտ ձախ և շարային քայլով շարժումը շարունակում նոր ուղղությամբ:

Հետ դարձ կատարելու համար «ԴԱ՛ՐՁ» կատարողական հրամանը տրվում է զինձառայողի աջ ոտքը գետնին դնելու հետ միաժամանակ: Այդ հրամանը լսելուն պես զինձառայողը կատարում է ևս երկու քայլ՝ ձախ և աջ ոտքերով, ընդ որում աջով կատարում է կես քայլ՝ ոտքը դնելով փոքր-ինչ ձախ: Ապա հենվում է երկու ոտնաթաթերի մատների վրա, մեկ երկրորդ պտույտ կտրուկ շրջադարձ է կատարում և շարային քայլով շարժումը շարունակում նոր ուղղությամբ:

«ԴԱ՛ՐՁ» կատարողական հրամանից հետո աջդարձը և ձախդարձը կատարվում են երկու հաշվով, իսկ հետդարձը՝ երեք հաշվով:

Հետադարձի ժամանակ հատուկ ուշադրություն է դարձնում կտրուկ շրջադարձի և ձեռքերի շարժումների վրա: «Երկու» հաշվի դեպքում, երբ աջ ոտքը տարվի կես քայլ ձախի առաջ, այդ պահին պետք է ձախ ձեռքը տանել առաջ, իսկ աջը՝ հետ: Հենց որ աջ ոտքը հենվի ոտնաթաթի մատների վրա, երկու ձեռքն էլ

իջեցնել ցած՝ իրանին հենված, այդ վիճակում պահել կտրուկ շրջադարձի պահին: «Երեք» հաշվի ժամանակ աջ ձեռքը շաժել առաջ, իսկ ձախը՝ հետ:

4.2 ՇԱՐՔԻՑ ԴՈՒՐՍ ԳԱԼԸ ԵՎ ՇԱՐՔ ՎԵՐԱԴԱՌՆԱԼԸ

Շարքից դուրս գալու համար զինձառայողին տրվում է հետևյալ հրամանը՝
«Շարքային Պողոսյան, շարքից դուրս գալ երկու (երեք և այլն) քայլ»:

Զինձառայողը, լսելով իր ազգանունը, պատասխանում է՝ **«Ես եմ»**, իսկ շարքից դուրս գալու դեպքում պատասխանում է՝ **«Լսում եմ»**: Այնուհետև, շարքային քայլով դուրս է գալիս շարքից՝ նշված քայլերի քանակը հաշվելով առաջին տողանից, կանգնում է դեմքով շրջվում դեպի շարքը:

Եթե զինձառայողը դուրս է գալիս երկրորդ տողանից, ապա նա աջ ձեռքը թեթևակիորեն դնում է իր առջև կանգնած զինձառայողի ուսին, որը մի քայլ առաջ է գալիս և աջ ոտքը առանց ձախին մոտեցնելու՝ տանում է մի քայլ դեպի աջ, ձախ ոտքը միացնում աջին, շարքից դուրս գալու հնարավորություն է տալիս հետևի զինձառայողին, այնուհետև կանգնում է իր տեղում:

Առաջին տողանից զինձառայողի դուրս գալուց հետո այդ տեղը զբաղեցնում է երկրորդ տողանում նրա հետևում կանգնած զինձառայողը:

Երկշարասույն, եռաշարասույն (քառաշարասույն) շարքից զինձառայողը դուրս է գալիս մոտակա թևի կողմը: Դրա համար նա կատարում է աջդարձ (ձախդարձ), իսկ նրա կողքին կանգնած զինձառայողը աջ (ձախ) ոտքով մեկ քայլ է անում դեպի աջ (ձախ) կողմը և, առանց ձախ (աջ) ոտքը մյուս ոտքի մոտ դնելու, մի քայլ հետ է գնում, ոտքերը միացնելով իրարը՝ զինձառայողին շարքից դուրս գալու հնարավորություն է տալիս, այսուհետև կանգնում է իր տեղում:

Դուրս եկողը պետք է կարճ ճանապարհով շարժվի դեպի շարքի մեջտեղը և շարժման ժամանակ կատարի դարձում:

Շարք վերադառնալու համար զինձառայողին տրվում է հետևյալ հրամանը՝
«Շարքային Պողոսյան, կանգնե՛լ շարք» կամ ուղղակի **«Կանգնե՛լ շարք»:**

«Շարքային Պողոսյան» հրամանով նա դեմքով շրջվում է դեպի պետը և պատասխանում է՝ «Ես եմ», իսկ «Կանգնե՛լ շարք» հրամանով ձեռքը մոտեցնում է գլխարկին և պատասխանում է «Լսում եմ» ապա շրջվում է շարժման կողմը, առաջին քայլի հետ միաժամանակ իջեցնում ձեռքը, շարային քայլով կանգնում իր տեղում:

Եթե տրվում է «Կանգնե՛լ շարք» հրամանը, ապա զինձառայողը վերադառնում է շարք՝ առանց շրջվելու դեպի պետը:

4.3 ԶԻՆՎՈՐԱԿԱՆ ՈՂՋՈՒՅՆԻ ԿԱՏԱՐՈՒՄՆ ԱՌԱՆՑ ԶԵՆՔԻ

Մենք 8-րդ դասարանում խոսել ենք զինվորական ողջույնի էության մասին, թե ե՞րբ է այն տրվում, ո՞վ է առաջինը ողջունում, ե՞րբ և որտե՞ղ զինվորական ողջույն չի տրվում: Զինվորական ողջույնը կատարվում է ՀՀ ՁՈՒ շարային կանոնադրության պահանջների համապատասխան:

Զինվորական ողջույնի կատարումը տեղում: Բոլոր դեպքերում զինվորական ողջույնը կատարվում է կտրուկ և ձգված՝ ճշտորեն պահպանելով շարային կեցվածքի ու շարժման կանոնները:

Երբ զինձառայողը գտնվում է շարքից դուրս է առանց գլխարկի է, նա զինվորական ողջույնի համար պետից (ավագից) երեք-չորս քայլ հեռավորության վրա պետք է շրջվի պետի կողմը, ընդունի շարային կեցվածք, նայի նրա դեմքին և գլուխը շրջի նրա շարժման ուղղությամբ:

Եթե զինձառայողը գլխարկով է, ապա, բացի դրանից, նա աջ ձեռքը մոտեցնում է գլխարկին այնպես, որ մատները լինեն իրար կպած, ավիը՝ ուղիղ, միջամատը հավի գլխարկի ներքին եզրին, իսկ արմունկը լինի ուսի բարձրությամբ: Գլուխը պետի (ավագի) կողմը շրջելիս ձեռքի դիրքը մնում է անփոփոխ:

Երբ պետը անցնում է ողջունող զինձառայողի մոտից, ողջույնը դադարեցվում է՝ զինձառայողը գլուխն ուղղում է և, միաժամանակ, իջեցնում ձեռքը:

4.4 ԶԻՆՎՈՐԱԿԱՆ ՈՂՋՈՒՅՆԻ ԿԱՏԱՐՈՒՄԸ ՇԱՐԺՄԱՆ ԸՆԹԱՅՔՈՒՄ

Երբ զինծառայողը գտնվում է շարքից դուրս և առանց գլխարկի է, նա զինվորական ողջույնի համար պետից 3-4 քայլ հեռավորության վրա, ոտքը գետին դնելու հետ մեկտեղ, դադարեցնի ձեռքերի շարժումը, գլուխը շրջի է պետի կողմը և, շարունակի քայլել, նայի է նրա դեմքին: Պետի մոտով անցնելուց հետո գլուխն ուղղում է և շարունակում ձեռքերի շարժումը:

Երբ զինծառայողը գլխարկով է, նա ոտքը գետին դնելու հետ միաժամանակ գլուխը պետք է շրջի պետի կողմը, աջ ձեռքը մոտեցնի գլխարկին, ձախ ձեռքը հպելով կողքին՝ նայի պետի դեմքին: Պետի մոտով անցնելուց հետո ձախ ոտքը գետնին դնելու հետ միաժամանակ գլուխն ուղղում է, աջ ձեռքը իջեցնում ցած և շարունակում է շարժումը:

Պետից առաջ անցնելու դեպքում զինվորական ողջույնը կատարվում է անցնելու քայլի հետ միաժամանակ: Երկրորդ քայլի հետ զինծառայողը գլուխը պահում է ուղիղ, , աջ ձեռքը իջեցնում ցած:

Եթե պետը անցնում է մեքենայով, ապա զինծառայողը կանգնում է, շրջվում դեմքով դեպի պետի կողմը և ձեռքը հպում գլխարկին:

Եթե զինծառայողի ձեռքերն զբաղված են, զինվորական ողջույնը կատարվում է գլուխը շրջելով պետի կողմը:

Եթե զինծառայողը զբոսնում է աղջկա հետ, ապա ինքը պետք է գտնվի նրա աջ կողմում, որպեսզի զինվորական ողջույնի կատարման համար կարողանա բարձրացնել աջ ձեռքը:

5 ԶՈԿԻ ՇԱՐՔԵՐԸ

5.1 ԶՈԿԻ ԾԱՎԱԼՈՒՆ ԵՎ ԵՐԹԱՅԻՆ ՇԱՐՔԵՐԸ

Ձեռքը գործում է ծավալուն (միատողան կամ երկտողան) և երթային (միաշարասյուն կամ երկշարասույն) շարքով:

Ձեռքի շարժումը միատողան (երկտողան) կատարվում է՝ **«Ձե՛կ, միատողան (երկտողան)-ՇԱՐՎԻ՛Ր»** հրամանով:

Այդ հրամանով զինձառայողները շարվում են հրամանատարից դեպի ձախ՝ կանոնադրությամբ սահմանված տարածությամբ և հեռավորությամբ: Յուրաքանչյուր տողանում ոտնաթաթերի ծայրերը դրվում են մեկ ուղիղ գծի վրա:

Ձեռքը տեղում միաշարասյուն (երկշարասույն) շարելու համար տրվում է **«Ձե՛կ, միաշարասույն (երկշարասույն)-ՇԱՐՎԻ՛Ր»** հրամանը:

Ձեռքի շարժումը սկսվում է՝ **«Ձե՛կ, քայլով»** (շարային քայլով, վազքով)-**ՄԱՐՇ՝**» հրամանով:

Հրամանի կատարողական մասով բոլոր զինձառայողները միաժամանակ ձախ ոտքով սկսում են շարժումը՝ ընթացքում պահպանելով ուղղությունը, տարածությունն ու հեռավորությունը:

Ձեռքի շարժումը դադարեցվում է՝ **«Ձե՛կ, կանգ -Ա՛Ռ»** հրամանով:

«Ձե՛կ-ՑՐՎԵ՛Ն» հրամանով զինձառայողները դուրս են գալիս շարքից:

5.2 ՁՈՎԻ ՇԱՐՔԻ ՆՈՍՐԱՑՈՒՄԸ ԵՎ ԽՏԱՑՈՒՄԸ

Տեղում շարքի նոսրացումը կատարվում է՝ **«Ձե՛կ, աջ (ձախ, կենտրոնից) այսքան քայլով-ՆՈՍՐԱՑԻ՛Ր (վազքով-ՆՈՍՐԱՑԻ՛Ր)»** հրամանով: Հրամանի կատարողական մասով բոլոր զինձառայողները, բացի նրանից, որից կատարվում է նոսրացումը, շրջվում են նշված ուղղությամբ, ոտքը գետին դնելու հետ միաժամանակ գլուխը շրջում դեպի շարքի ճակատի կողմը, որից հետո արագացված կիսաքայլերով (վազքով) շարժվում են՝ նայելով հետևից եկող զինձառայողներին, չկտրվելով նրանցից: Հետևից գնացողի կանգնելուց հետո ամեն մեկը կատարում է մեկ քայլ կամ որքան պահանջվում է հրամանով, և շրջվում դեպի շարքի ճակատի կողմը:

Կենտրոնից նուսրացման դեպքում նշվում է այդ տեղում կանգնած զինծառայողի ազգանունը: Զինծառայողը, լսելով իր ազգանունը, պատասխանում է՝ «Ե՛ս եմ», ձախ ձեռքը մեկնում առաջ, իսկ հետո թողնում այն: Ջոկի հավասարման դեպքում տարածությունը պահպանվում է:

Տեղում ջոկի խտացումը կատարվում է՝ **«Ջո՛կ, աջ (ձախ, դեպի կենտրոն) - ԽՏՍՑԻ՛Ր (վազքով-ԽՏՍՑԻ՛Ր)»** հրամանով: Հրամանի կատարողական մասով բոլոր զինծառայողները, բացի նրանից, ում կողմը նշված է խտանալ, շրջվում են դեպի խտացման կողմը, որից հետո արագացված քայլով (վազքով) խտանում են մինչև սահմանված տարածություն և ինքնուրույն կանգնում ու շրջվում են դեպի շարքի ճակատը:

5.3 ՋՈԿԻ ՎԵՐԱԴԱՍԱՎՈՐՈՒՄԸ

Ջոկի վերադասավորումը միատողան շարքից երկտողան շարքի կատարվում է՝ **«Ջո՛կ, մեկից երկու-ՀԱՇՎԻ՛Ր»** հրամանով: Հաշվարկը սկսվում է աջ թևից: Այդ դեպքում յուրաքանչյուր զինծառայող արագորեն գլուխը շրջում է դեպի իրենից ձախ կանգնած զինծառայողը, ասում է իր համարը և արագ գլուխն ուղղում:

Ձախթևային գլուխը չի շրջում:

Ջոկի ընդհանուր հաշվարկը կատարվում է՝ **«Ջո՛կ, հերթով-ՀԱՇՎԻ՛Ր»** հրամանով՝ նույն կանոններով: Երկտողան շարքում երկրորդ տողանի ձախթևայինը հաշվարկի ավարտից հետո զեկուցում է՝ «Ոչ լրիվ» կամ «Լրիվ»:

Ջոկի վերադասավորումը տեղում միատողան շարքից երկտողան շարքի կատարվում է՝

«Ջո՛կ, երկտողան - ՀԱՇՎԻ՛Ր» հրամանով: Հրամանի կատարողական մասով զինծառայողների երկրորդ հրամանները «մեկ» հաշվով ձախ ոտքով կատարում են մի քայլ հետ, «երկու» հաշվով՝ աջ ոտքը տանում հետ և մի քայլ աջ, «երեք» հաշվով ձախ ոտքը միացնում են աջին:

Տեղում ջոկի վերադասավորումը խտացված երկտողան շարքից միատողան շարքի կատարվում է հետևյալ կերպ. ջոկը նախօրոք բացազատվում է մի քայլ, որից հետո **«Ջոկ, միատողան-ՇԱՐՎԻՐ»** հրամանով երկրորդ համարները դուրս են գալիս առաջին տողանի գիծ՝ «մեկ» հաշվով ձախ ոտքով կատարելով մեկ քայլ ձախ, «երկու» հաշվով աջ ոտքով մի քայլ առաջ, «երեք» հաշվով ձախ ոտքը միացնում են աջին:

Ջոկի վերադասավորումը ծավալուն շարքից շարասյան կատարվում է ջոկի աջդարձումով՝ **«Ջոկ, աջ -ԴԱՐՁ»** հրամանով:

Ջոկի վերադասավորումը միաշարասյուն շարքից երկշարասյուն շարքի կատարվում է՝ **«Ջոկ, երկշարասյուն քայլով -ՄԱՐՇ»** (ընթացքում՝ ՄԱՐՇ) հրամանով: Հրամանի կատարողական մասով ուղղապահն անցնում է կես քայլի, երկրորդ համարները դուրս են գալիս դեպի աջ, քայլի տակտով զբաղեցնում են իրենց տեղերը շարասյունում: Ջոկը շարժվում է կես քայլով մինչև **«Ուղիղ»** կամ **«Ջոկ, կանգ-ԱՌ»** հրամանը:

Ջոկի վերադասավորումը երկշարասյունից միաշարասյուն կատարվում է՝ **«Ջոկ, միաշարասյուն քայլով -ՄԱՐՇ»** (ընթացքում՝ ՄԱՐՇ) հրամանով: Հրամանի կատարողական մասով ուղղապահը գնում է լրիվ քայլերով, իսկ մյուսները՝ կես քայլով: Տեղերը բացվելուց հետո երկրորդ համարները զբաղեցնում են դրանք և լրիվ քայլով շարունակում շարժումը:

Շարասյան շարժման ուղղությունը փոփոխելու համար տրվում է՝ **«Ջոկ, աջ (ձախ) ուսն առաջ-ՄԱՐՇ»** հրամանը: Ուղղապահը թեքվում է աջ (ձախ) մինչև **«Ուղիղ»** հրամանը, մյուսները հետևում են նրան:

Համաձայն շարային կանոնադրության դրույթների ջոկի անձնակազմը նմանօրինակ գործողություններ կատարում է նաևզենքով:

Առանձնահատկություններ կան, որոնք ոչ թե ստվերում, այլ լրացնում են զինձառայողների շարային պատրաստության աշխարհագրությունը, գործողությունների լայն շրջանակը: Միայն շարային պատրաստություն՝ ջոկի կազմով, նշանակում է շարային պատրաստության միմիայն մի չնչին մաս: Ջոկ, դասակ, վաշտ, գումարտակ, գունդ (և այլն) ամբողջությամբ ընդգրկված են

շարային պատրաստության պլանային պարապմունքների մեջ, ինչպես ծավալուն շարքերի տեսքով, հետիոտն կարգով, այնպես երթային: Քանզի շարային պատրաստությունը ինքնանպատակ չէ: Այն լրացնում է ստորաբաժանման կողմից մարտական խնդրի(ների) իրականացումը պատշաճ ձևով, որակով:

Մարտական (ուսումնավարական) խնդիրների կատարման համար ավելի նպատակահարմար է առաջնորդվել ծավալուն շարքեր հասկացությունից: Այդ նպատակով ստորաբաժանումների ու զորամասերի մեքենաները դասավորվու են ջոկատով մեկ գծի վրա, սահմանված հեռավորության վրա:

Անձնակազմները գտնվում են մեքենաների վրա կամ շարվում են մեքենանրի առջև:

Երթային շարքում մեքենաները ստորաբաժանումում շարված են շարասյունով:

Շարային պատրաստությունը նաև լավագույն գրավականն է մարտական առաջադրանքների կատարման գործում զինծառայողների շարային կարգապահությունը:

Կանոնադրության 7-րդ գլուխը սահմանում է վաշտի (3 դասակ), գումարտակի (3 վաշտ), գնդի շարայն ստուգատեսի պայմաններն ու տեղը, կարգը, շարքերի հեռավորությունը, ստուգողի պարտականությունները, ստուգվողների պարտավորությունները ներկայացնելու կարգը և իրավունքները:

Ստուգատեսները կարող են անցկացվել ինչպես անմիջական պետեր ու հրամանատարների, այնպես էլ տեսչական ստուգումներ անցկացնելու համար նշանակված անձանց կողմից:

Վաշտի, գումարտակի, գնդի շարային ստուգատես անցկացնելու կարգն ու պահանջները նույնն են, շավալները՝ տարբեր:

Առանձին միջոցառում է գնդին մարտական դրոշի հանձնումը, որպես շարային պատրաստության պատասխանատվություն և զինվորական արժանապատվության լավագուն արարողակարգ:

ԵԶՐԱԿԱՅՈՒԹՅՈՒՆ

Շարային պատրաստությունը կոփում, առնականացնում է զինծառայողներին, նրանց մեջ արմատավորում կարգապահության, զսպվածության զգացում, ձգվածություն, սովորեցնում՝ լինել արտաքինապես կոկիկ և մաքուր հագնված, հմտորեն և ներդաշնակ գործել շարքում և մարտական գործողությունների ժամանակ:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Հայաստանի հանրապետության ԶՈՒ շարային կանոնադրության երկրորդ հրատարակչություն, Հաստատված ՀՀ ՊՆ 29.04.2001թ. №307 հրամանով
2. ՆԶՊ դասագիրք, 8-րդ դասարան
3. ՆԶՊ դասագիրք, 9-րդ դասարան
4. ՆԶՊ դասագիրք, 10-րդ դասարան